

CUSSEGL GROND

Sessiun d'avust 2022

Dumonda da la fracziun da la PVL concernent la realisaziun da la segunda etapa dal AGD (emprim sutsegnader Kappeler)

En sia missiva al Cussegl grond tar il Plan d'acziun «Green Deal per il Grischun» (AGD) (carnet nr. 4/2021-2022, p. 327) ha la Regenza declerà, che la segunda etapa dal AGD vegnia suttamessa al Cussegl grond en la sessiun d'october 2023 per la discussiun e per prender il conclus. Fin lura duaja esser preparada, realisada ed evaluada la consultaziun sco er redigida la missiva tar la segunda etapa dal AGD.

En la resposta da la Regenza a l'incumbensa Horrer concernent in'offensiva solara per il Grischun pon ins leger, che la missiva tar la segunda etapa dal Plan d'acziun chantunal «Green Deal per il Grischun» vegnia suttamessa previsiblamain pir l'avrigl 2025 al Cussegl grond per la discussiun e per prender il conclus.

Perquai che la ristga d'avair ina mancanza d'energia è s'augmentada fermamain en il fratemp ed en vista a las consequenzas finanziales che resultan da quai, è in tal retard inacceptabel.

Perquai supplitgescha la fracziun verd-liberala la Regenza da responder las suandantas dumondas:

- 1) Tge ha chaschunà entaifer in uschè curt temp il retard d'in onn e mez?
- 2) Co sa preschenta l'urari actual concernent la segunda etapa dal AGD per il mument?
- 3) Tge mesiras d'acceleraziun èn imaginablas tenor la Regenza?
- 4) Tge posiziun ha la Regenza envers l'idea d'etappar la segunda etapa dal AGD, uschia che tschertas mesiras e lur finanziaziun pon vegnir anticipadas?

Cuira, ils 3 da settember 2022

Kappeler, Rageth, Danuser (Cuira), Bavier, Oesch, Saratz Cazin, von Ballmoos